



NURUL Atikah Salim bersama ibunya, Azizah Aziz.

Kemiskinan, kecacatan bukan halangan cipta kejayaan

SERDANG 11 Ogos – Kecacatan dan kemiskinan tidak lagi boleh dijadikan sebagai alasan bagi seseorang untuk mencipta kejayaan.

Ini dibuktikan menerusi sidang kedua Majlis Konvokesyen Universiti Putra Malaysia (UPM) ke-33 yang menyaksikan kejayaan para graduan istimewa universiti tersebut menamatkan pengajian walaupun berada dalam keadaan serba kekurangan.

Seorang graduan orang kurang upaya (OKU), **Nurul Atikah Salim**, 22, berkata, dia tidak pernah mengangap kecacatan sebagai alasan kepada dirinya untuk mengukir kejayaan mendapat segulung ijazah sarjana muda dalam bidang Pentad-

biran Perniagaan.

Katanya, walaupun mengalami kecacatan kaki sejak kecil dan memerlukan bantuan alat sokongan untuk berjalan, dia tidak pernah merasa rendah diri atau malu dengan keadaan dirinya.

“Apa yang penting, kita harus berani mencuba dan tidak cepat putus asa.

“Saya bersyukur kerana rakan-rakan banyak membantu dan menerima saya seadanya,” katanya ketika ditemui pemberita di sini, kelmarin.

Pada hari kedua Majlis Konvokesyen UPM itu yang bermula Sabtu lalu menyaksikan seramai 7,597 graduan keseluruhan dengan 141 penerima bagi ijazah doktor falsafah



NOR AFZAN

(PhD), 1,072 ijazah sarjana, 5,984 ijazah sarjana muda dan 400 lagi menerima diploma.

Sementara itu, seorang anak yatim piatu, **Nik Mohd. Saiful Wan Mohd.**



NIK MOHD. SAIFUL

Sidik, 22, berkata, usaha gigihnya selama ini berbaloi akhirnya walaupun hanya berbekalkan wang pencen arwah ayahnya sebanyak RM600 sebulan.

“Walaupun nilai wang RM600 itu kecil untuk menampung hidup kami lima beradik tetapi sumbangannya amat besar.

“Dengan wang itu, kakak dapat menyambung pelajaran di Universiti Perguruan Sultan Idris (UPSI), saya di sini dan adik-adik dapat bersekolah,” katanya.

Nik Mohd. Saiful yang juga graduan dalam bidang Sains Perhutanan berazam untuk mencari pekerjaan tetap bagi menyara hidup keluarga dan adik-adiknya.

Dalam pada itu, **Nor Afzan Ramli**,

24, berkata, tiada istilah menyesal dalam kamus hidupnya walaupun seringkali dihimpit kemiskinan sehinggakan terpaksa hidup menumpang di rumah saudara.

“Epa hanya bekerja sebagai pengawal keselamatan dengan gaji RM500 ditambah pula dengan adik-adik yang masih kecil dan bersekolah.

“Kejayaan ini adalah atas jasa ibu dan ayah yang banyak mendorong saya,” kata pemegang ijazah sarjana muda Pendidikan Pengajaran Bahasa Melayu Sebagai Bahasa Pertama kelas kedua ini.

Azam anak ketiga daripada tujuh beradik ini adalah untuk membina sebuah rumah untuk keluarganya.